

金菊初開玉蟾新滿昇天故重陽佳致始板
弘圖鑑亭亭照上界中央奮矯桂花鮮雲收
八表綠枝長景素魄團圓於中奇妙細藥
繁英洞天幽圃知多少高臺深夜最堪觀得
遇圓明了風動清香盤繞燭銀霞交光池沼
一叢霜氣萬古水輪冲和誰曉十六

臨江仙

達道逍遙無事客狂歌度日欣欣孤然一性
朗然真清如三島月隔似九霄雲 語話來
差絕世夢心頭不掛微塵四時遊說百花親
壺中天不夜物外景長春

鶯啼序

呂洞賓

三峯路險雪滿空堦瑞祥煙霧起潤畔聽龍
吟虎嘯電閃星輝迸出紅光鬼神驚避 鉛
凝汞結爐中養就丹點瓦礫成至寶愚人貪
一粒延年紀那堪更有神珠萬顆流霞見耀
遍穿宮裏

鳴鶴餘音卷之三

鳴鶴餘音卷之四

仙遊山道士彭致中集

蘇幕遮

馬丹陽

隨四

上丹田玄空路玉鎖金關八卦珠藤庫左有
青龍右有白虎碧眼胡僧便是三清土 虎
伏龍龍伏虎戰退三尸贏得河車路意馬心
猿牢拴住運上崑崙透入泥丸去

其二

中丹田多玄妙聚寶池中五色霞光照姮女
嬰兒盡歡笑鍊就金丹價值千千兆 服一
粒馨香妙換骨抽胎萬病消除了返老還童
年又少快樂逍遙倚定岩溪曉

其三

下丹田明仙道有箇牛兒不喫尋常草玉液
華池滋味好白雪黃芽喂得牛兒飽 金龍
頭銀纏繞坐深無塵遍地如雪草擺尾搖頭
歌聲叫過海穿江直上蓬萊島

其四

胡然子

精氣神須保愛一粒金丹每在街頭賣四十
年來無人買開花叢裏還了鴛鴦債 九三

又地天泰萬上金鳥飛入銀蟾界百尺竿頭
做一解這些工夫任使傍人賽

其五

嘆人身如傀儡五彩粧成盡是虛騰味又手
棚頭談今古相呼相喚空向人前舞 出來
時如風雨氣斷之時七魄三魂去饒你棚前
提畫鼓喚不回頭終沒回來路

生查子

夜來忽觀一場希乍見幾箇燈蛾兒堪人嗟
呀愛愁貪嗔不肯捨錯認燈光隨高隨下火
焰根前百般頭要十分燒着全然不怕且待
燈盞內做箇焦巴這回休也 休也休也奉
勸你諸公畧聽千勸休似燈蛾兒心生愛戀
戀着思愛老了面而皺髮白腰曲頭低耳聾
眼暗覓箇回轉把往日風流一刀兩斷聞身
康健早做箇惺惺洒洒漢猛跳出凡籠便是
一箇了辦

解冤結

北方一日南方一日共東西四方交日夢寐
沉沉往來遊行消日待他年道心開日 百

年短景都來幾日暗推排今朝明日不覺推
排到聖賢佳音來日洞天開是吾歸日

其二

丘長春

山何已定干戈不起太平時八方和氣齊
頻修盛報答虛空天地謝洪恩暗中慈恩

十年一遇神仙出世幸遭逢莫生輕易供養
精嚴但一歲勝如一歲遇良辰大家沉醉

喜遷鶯

死生都怕這輪迴敗骨如何得罷不悟具常
強生枝節性命了連系下有中不解無中無
裏難明真假離萬法這本來一點何處安劉
敢問些兒話修真養性如何感執把甚是
明心甚為見性甚是萬緣不掛甚為明月清
風甚是玲瓏脫洒了真法告師公慈悲提携
點化

其二

死生不怕伏剛風一掃般般都罷獨露真常
不生枝節性命亦無高下亦無內外其中就
裏元無真假明萬法這真如一豈不須安劉
悟得無生話無作無為大道無執把六二

明心時時見性只此萬緣不掛處處明月清
風端的玲瓏脫洒了真法真空自在不生不
化

藝香心

大道無形方寸何憑在人人智見高明能降
衆欲解斷群情作閻中之闕忙中靜濁中清
情態如嬰懷抱如水自朦朧覺前程吾言
致祝君耳深聽下十分功十分志十分誠

其二

情慾消志脫了根塵樂虛恬淡崇真形如野
鶴性似孤雲到處為家風為伴月為鄰住
世無心異俗超群握玄機哩囉喻論着一點
顏貌常新得至真功全真行侍真君

昭君怨

坐後談禪說道起後不依些少心口自尋思
好呆癡日用機關千萬何曾減了一件欲
望做神仙好難天

其二

學道須憑一志無志難逃生死對境志如山
自然安萬法不離清淨性定方能得命會

得這玄空道必通

霜天曉角

浮生碌碌盡飄流世慾空恁苦爭活計被情
愛海沒夢中競利祿謾傳機狡縱有百般
榮貴誰念光陰迅速

其二

世事促促莫勞心役役素塵早歸林下蓋箇
低低茅屋映窓疎竹洒洒風生玉萬疊青
山為友那管桑田翻覆

促拍滿路花

西風吹渭水落葉滿長空忙忙塵世裏獨自
清閑自然爐鼎虎繞與龍蟠九轉丹砂就一
粒刀圭餌為陸地神仙便萬釘寶帶貂蟬
富貴欲薰天黃粮猶未熟夢驚殘是非海裏
具道立身難拂袖江南去白蘋紅蓼再遊滄
浦廬山

暮山溪

不如歸去作箇清閑漢著甚來由惹別人三
長兩短天公許大何處不容身且護著有生
涯試待尋思看鍾湖裏面淺山林畔住箇

小庵兒且隨分羅衣淡飯朝風詠月蕭散過
平生塵世事儘如麻我也誰能管

浪淘沙

脩竹間青松翠影重重道家樓閣白雲中隔
岸紅塵飛不到水浸寒空 此景與誰同洞
口仙翁素琴彈罷倒金鍾笑傲煙霞無一事
明月清風

其二

一箇主人翁住在靈宮無形無影亦無蹤鐵
眼銅睛觀不見體似虛空 出入不通風天
地難籠被手擒在藥爐中運起周天三昧火
煅鍊真容

其三

我有屋三間住在深山四無牆壁海濶欄萬
象森羅爲斗拱凡是青天 不漏數十年也
是前緣一朝功行滿三千降得活龍伏得虎
方表神仙

水邊樂

忙裏偷閑關中取靜利名休競有限先陰無
涯塵事貪愛何時盡無情烏兔催人早老暗

裏換了綠鬢此形骸假合幻化算來有甚憑
準 隨緣度日和光同塵惹甚悶愁悶富
貴由天榮華是命休更勞方寸心中無事眼
前清淨俱是快活時景你若待般般稱意耐
心且等

踏金鸞

牛真人

錦堂春瑞仙朝列瑞筵遇良辰名香共蒸吐
氤氳瑞鶴祥煙慶三真重陽五祖願當今聖
主遊延昔有軒轅駕龍騰飛上朝玉帝自爭
先德時萬聖齊會宴實共留連簫韶天金童
捧蓋王女傳宣 觀神宮仙苑異景降鸞鳳
鶴舞翩翩仙童報蟠桃正結丹桂初圓萬載
金龜千秋玉兔老人星見慶這些事洞天佳
景還也勝塵緣無來去天地同壽日月齊年

踏莎行

一領布袍一床紙被葫蘆拄杖爲行李三五
兩盞祭天真誰能與你爭閑氣 滿眼蒼生
爭名奪利朝朝只要自家計教他喫箇土饅
頭方知裏面滋味

鳴馬一枝花

雨過山花綻霧歛雲收天漢清閑幽雅處遊
玩古洞巖前時把金丹鍊不愛乘肥馬富貴
榮華是非都不管 獨坐茅齋看古傳把道
經時轉橫琴膝上撫鶴來見紫綬金章是則
是官高顯五更忙上馬爭如我仙家日午柴

門猶掩

探春令

草堂三鼓夢遊仙到蓬壺闌苑正白雲滿地
無人掃信幽園香風旋 群真朝列黃金殿
醉流霞瑤宴頓覺來一片清涼意似明月山
頭見

黃鶴洞仙

馬丹陽

終日駕藍車鞭棒時時打自數精神久屈沉
如病馬怎得優游也 伯樂祖師來見後頻
嗟呀巧計多方贖了身得志馬須報師恩也

無夢令

猛悟百年彈指淚似迸珠不止急解死生憂
管甚石中火起石中火起一任停表在地
學道非難非易怎敢已而不已專下死工夫
悟得長生活計長生活計收拾精光神氣

柳梢青

布袍草履歷天涯朝市與雲霞隨分有些活
計杖挑周易南華 客來問我浮世事無言
指落華錄就水雲情性脚踏到處為家

一剪梅

麤布寬衣下領袍一襟瀟灑兩袖飄飄水雲
活計伴漁樵過得今宵莫問來朝 九節蒼
龍杖一條仙經數卷肩上海挑腰間懸箇小
丹瓢行也逍遙坐也逍遙

醉桃源

本來無說本無言澄寂湛然湛然常寂然
全希內自觀玄 玄中妙妙中玄無相貌莫
團圓往來去怎遮攔清風明月前

女冠子

馬丹陽

人命無常看青雲雨過山水韶華盡過了百
年如夢有似希夷志情絕愛念好把意馬心
殊牢繫綿綿密密有似出息常不保入息
十年一似修真理做神仙萬無一失門生莫
生疑若有纖毫虛謬馬風罰作陰山為鬼心
行常不昧遍十方觀照天地累成功行自有

金童來認你

王文校

我已叮嚀勸履手心休倦後巷前街茶坊酒
肆且遍繞巡門散嗜好降心與修行方便
一志休回轉趁了今生願神氣沖和陰陽昇
降虎龍爭鬪迸金燦爛繞丹田看真人出現

歸朝歌

天地初分何處寄父母無生名甚字須將這
箇要分明推窮此理寧論是細細傳不二亦
能整究從前事往來頻不知迷迷甚日得言
賜 忽爾真靈前而至認得無形歡喜示惺
惺觀着甚端嚴輝輝返照通容易見時惟覓
妙玄微雅深中透出圓光五般顏米復本總
祥瑞

六么令

王重陽

真清真靜便是虎和龍澄澄湛湛嬰兒姪女
自昇騰靈照刀圭根本齊戒換西東時中十
二常常覺照內調神氣玉爐功 何須尋枝
摘葉豈論語丹經假餘玄妙知懶墮亦成空
滅睡忘言除慾飲膳少豐融外係疎畬人情

薄淡念頭打破漸幽通

賀新涼

陳益之

滿酌開懷酒算人生不如意事十常八九
造化小兒真廝戲到了翻前覆後設只向塵
中奔走多滿時賢口

紅芍藥

王通史

人生百歲七十稀少更除十年孩童小又十
年昏老都五十載一半被睡魔分了那二十
五載之中寧無些箇煩惱 子細思量好追
歡及早遇酒追朋笑傲任玉山推倒沉醉且
沉醉人生似露垂芳草幸新來有酒如灑結
千秋歌笑

宣靖三臺

王重陽

有限形軀無涯火院利那催促光陰想人生
有似當風燭整日家晝忙夜驚有等愚迷千
思萬想家緣逼迫潭沉愛子憐妻被冤家繫
纏縈身猛悟迴頭名輕割斷恩山推倒重重
將愛海跳出清閑樂道遠半張紙一張琴
土榻安眠牢拴意馬莫教鬪亂身心慧劍
揮時斬群魔萬神自寧二炁相交龍奔虎走

金烏玉兔相迎入玉爐金鼎丹砂煉陽神出
朝玉京此箇家風水清玉潔點頭多謝知音
欲要成雙全後價值千金

太常引

譚真人

非僧非俗亦非仙茅屋兩三椽白石與清泉
更誰問桃源洞天 一爐寶篆一甌春雪澆
濯淨三田閑想谷神篇不覺松枝月圓

其二

先陰迅速不停留春去又還秋展破皺眉頭
且唱和仙歌散憂 百年短景爭名競利圖
恁恁閑愁休恁恁苦食求但得過隨緣便休

其三

百年勲業鏡中看嘆行路古來難風雨換朱
顏更誰管安仁鬢斑 撇天聲價凌雲氣勢
短夢破槐安回首問青山放一片孤雲自閑

青玉案

無為大道人難曉只為工夫少猛悟迥光常
返照三田之內六府之中塵垢頻頻掃 諸
緣斷處清懷抱一點虛靈自耀認得玄元清
靜道百關調暢一性圓明得出遊仙島

其二

一從東別長安道西住塔溪廟漸扣南山雲
寂渺茅庵冷淡土龕滿酒官府何曾到 夜
際陌上行人情忽聽巖前子規叫聲聲相勸
不如歸去爭奈工夫少

賀聖朝

草堂初窅青衣扁戶丹頂歸巢抱瑤琴高枕
夢遊仙島待閑訪三茅 中宵睡覺聲如鳴
珮竹被風敲隔疎林斜望斷雲飛正月上松
梢

解佩令

一生懂得世事不曉喫茶飯不知飢飽坐處
生根立一似頑石當道任傍人笑我虛矯
文藝不解豈知典教說修行無分割面上塵
埃髮鬢鬆身披衲襖永長生浩劫不老

粉蝶兒

欲識還丹認取自家宗祖便不計當初來處
是誰人搭胎骨誰人捏塑捉住這一靈性元
來是鉛結聚 既已為人受了自家龍虎使
不會却擒捉住把金丹一粒吞來入腹恁時

免得輪迴受苦

武陵春

物物般般都放下熟境自然休忙裏偷閑關
處收不掛一絲頭 動靜不拘無動靜法界
莫能歸境丘迥迥物外遊性似水晶球

拾菜娘

丘長春

一片頑心要似飛引入千古不思歸幸遇明
師因曉了首教熟境再相隨 你待東時我
却西我今省悟即從伊萬劫輪迴皆為汝百
般魔障更因誰

二郎神

小張歌也好把繁華勘破速認元初真面目
把意馬心猿牢鎖百歲光陰能有幾也不可
虛過耳却聽囑付仙風道骨莫向紅塵埋墮
省呵把師父親言記着你原是蓬萊洞裏
仙為思凡人間淪落速整仙胎歸上會莫在
弄俗情繫縛自思村假饒積玉堆金終久幻
化如何

青梅引

我笑迷人不信弄芳癡心戀貪名利索繫羈

魄狂遊每將術藝養通用安身已道知和息
藜杖藥瓢蓑衣笠笠大地有滿地正珠那
的直甚閑氣 無限峯巒鬱翠略探箇茅庵
用做棲心亭有靈苗裔更兼泉水飢渴自然
無礙獨坐添山裏悶着乾坤間隔望落落如
曉星之勢再遇何年駕雲朝上帝

玉胡蝶

捉住玉山赤鳳神舟同泛激浪漂浮便使烏
龜開口出頭喜謔吸洪濤枯乾北海使巨波
澆灌西湖自舒敷水紋花面此日是金鋪
光珠盈盈照耀恰如明月晃晃方隅普徧騰
輝盡成霞彩環紆見圓珠深深漸見結寶丹
空外超躡得臨大羅天上永永惺甦

玉液泉

這消息幾人知獨我全真好大悟來心地清
涼便分曉本來面目常照最玄妙金闕關玉
戶閉來往通關竅過三田覺上下和冲降銀
雪黃芽遍生芝草 蛇嬰舞跳透引動龍吟
虎嘯般運在斡旋中坎窩顛倒龜蛇戰鬪水
火抽添爐內燒丹結就明珠晃耀玉皇深恩

宣詔祥雲攬翠旌時樓踏青鸞歸蓬島

鍊丹砂

馬丹陽

行道要心堅密護丹田調和真息永綿綿十
二時中常若見休要塵牽 訣要避諍諍靜
處安然須通語默默言傳神秀丹成行滿得
去朝元

點絳脣

桓真人

小小鰲兒生得天然託身矮黠兒元有口
難開解 認得乾坤此理誰能解腰間常道
人偏愛不換金魚袋

其二

堪嗟人人波波劫劫貪名利何時已眼光落
地到此纔方悔 雖有兒孫要替應難替思
下淚這場滋味認着心先碎

其三

丘長春

昨夜醺醺醉中似覺乘丹鳳笙歌共四天飛
縱悟入桃源洞 正向深溪閑把明珠弄晨
動一聲風送鶯斷遊仙夢

鳴鶴餘音卷之四

鳴鶴餘音卷之五

隨五

仙遊山道士彭致中集

滿路花巖

鍾離

四大元無我五蘊本來空休爭人與我逞英
雄貴賤賢愚到了夢魂中百年親眷屬電裏
紅光早宜各自牢籠 勸君勤修煉常照主
人公來時無一物去時空人生有限貪愛轉
無窮不如隨分過一點靈光自然明月清風

江神子

呂洞賓

人生七十古來稀嘆愚迷不修持光陰有限
成敗是非蓋世功名都占取空贏得業相
隨 暫時花酒氣財迷得便宜落便宜暗裏
朱顏漸改氣神虧陽少陰多染患命盡也更
推誰

曲江秋

隨五

如何是道這一點古今尋求顛倒人人有分
箇箇不虧少皆因動念錯染着處便生煩惱
若也般般放下有何微與 隨分隨緣且過
究本來面目直須分曉寒爐冷竈對虎龍吟
嘯目前便是了更不向外邊尋討不問神仙